

# 卷十五

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始  
 有物而混成何元一之芒昧兮廓開闢而著形爾乃清  
 濁剖兮玄黃判離太極既殊是生兩儀星辰煥列日月  
 重規以尊地靜以卑昏明迭炤或盈或虧陰陽協  
 氣下謝寒暑隨時而推移三才殊性五行異位千變  
 萬化育庶類授之以形稟之以氣色表文采聲有音  
 無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本  
 撰者 明 劉節 輯  
 卷 卷十五  
 內容分類 集-總集-詩文  
 索書號 大木-集部-總集類-3  
 編號 D7920300

彩色首頁

東洋文化研究所漢籍目錄 編號: D7920300  
 東洋文化研究所漢籍目錄所藏漢籍善本文影像資料庫 索書號: 大木-集部-總集類-3  
 漢籍善本文影像資料庫文本廣文選八十二卷 嘉靖十二年序刊本  
 版權所有: 東京大學 東洋文化研究所  
 使用上的注意事項

惻惻悲襟盈

廣文選卷第十四

江都葛澗校

廣文選卷第十五

明通議大夫都察院右副都御史大庾劉節廣

詩

贈答上

錄別詩六首

李少卿

有鳥西南飛熠熠似蒼鷹朝發天北隅暮聞日南陵欲  
 寄一言辭託之牋綵繪因風附輕翼以遺心蘊蒸鳥辭  
 路悠長羽翼不能勝意欲從鳥逝駑馬不可乘  
 爍爍三星列拳拳月初生寒涼應節至蟋蟀夜悲鳴晨  
 風動喬木枝葉日夜零遊子暮思歸塞耳不能聽遠望  
 正蕭條百里無人聲豺狼鳴後園虎豹步前庭遠處天  
 一隅苦困獨零丁親人隨風散歷歷如流星三革離不

結思心獨屏營願得萱草枝以解饑渴情

寂寂君子坐奕奕合衆芳溫聲何穆穆因風動聲香清  
言振東序良時著西庠乃命絲竹音列席無高唱悲意  
何慷慨清歌正激揚長哀發華屋四座莫不傷

晨風鳴北林熠熠東南飛願言所相思日暮不垂帷  
月照高樓想見餘光輝玄鳥夜過庭髮髯能復飛褰裳  
路踟躕彷徨不能歸浮雲日千里安知我心悲思得瓊  
樹枝以解長渴饑

陟彼南山隅送子淇水陽爾行西南游我獨東北翔  
轅馬顧悲鳴五步一彷徨雙鳧相背飛相遠日已長遠望  
雲中路相見來珪璋萬里遙相思何益心獨傷隨時愛  
景耀願言莫相忘

鍾子歌南音仲尼歎歸與我馬悲邊鳴遊子戀故廬

鳥歸飛雲蛟龍樂潛居人生一世間貴與願同俱身無  
四凶罪何爲天一隅與其苦筋力必欲榮薄軀不如及  
清時策名於天衢

答別詩 二首

蘇子卿

童童孤生柳寄根河水泥連翩遊客子于冬服涼衣去  
家千里餘一身常渴饑寒夜立清庭仰瞻天漢湄寒風  
吹我骨嚴霜切我肌憂心常慘戚晨風爲我悲瑤光游  
何速行願芰荷遲仰視雲間星忽若割長帳低頭還自  
憐盛年行已衰依依戀明世愴愴難久懷

雙鳧俱北飛一鳧獨南翔子當留斯館我當歸故鄉一  
別如秦胡會見何詎與愴恨切中懷不覺淚沾裳願子

長努力言笑莫相忘

贈婦詩 三首

秦嘉

人生譬朝露居世多屯蹇憂艱常早至歡會常苦晚念  
當奉時役去邇日遙遠遣車迎子還空往復空返省書  
情悽愴臨食不能飫獨坐空房中誰與相勸勉長夜不  
能眠伏枕獨展轉憂來如循環匪席不可卷

皇靈無私親爲善荷天祿傷我與爾身少小罹竽獨旣  
得結大義歡樂苦不足念當遠離別思念叙欵曲河廣  
無舟梁道近隔丘陸臨路懷惆悵中駕正躑躅浮雲起  
高山悲風激深谷良馬不迴鞍輕車不轉轂針藥可屢  
進愁思難爲數貞士篤終始恩義不可促

蕭蕭僕夫征鏘鏘揚和鈴清晨當引邁束帶待鷄鳴顧  
看空室中髣髴相想姿形一別懷邁恨起坐爲不寧何用  
叙我心遺思致欵誠寶釵好耀首明鏡可鑒形芳香去  
垢穢素琴有清聲詩人感木瓜乃欲答瑤瓊愧彼贈我  
厚慙此徃物輕雖知未足報貴用叙我情

答秦嘉詩

徐淑

妾身苟不令嬰疾苟來歸沉滯苟家門歷時苟不差曠  
廢苟侍覲情敬苟有違君今苟奉命遠逝苟京師悠悠  
苟離別無因苟敘懷瞻望苟踴躍佇立苟徘徊思君苟  
感結夢想苟容暉君發苟引邁去我苟日乖恨無苟羽  
翼高飛苟相追長吟苟未歎淚下苟沾衣

答對元式詩

蔡伯喈

伊余有行爰戾茲邦先進博學同類率從濟濟羣彥如

雲如龍君子博文貽我德音辭之集矣穆如清風

答劉公幹詩

徐偉長

與子別無幾所經未一句我思一何篤其愁如三春雖  
路在咫尺難涉如九關陶陶諸夏別草木昌且繁

贈毋丘儉詩

杜德魯

騏驥馬不試婆婆槽櫪間壯士志未申坎壈多辛酸伊  
摯爲媵臣呂望身操竿夷吾困商販甯戚對牛嘆食其  
處監門淮陰饑不餐買臣老負薪妻叛呼不還釋之宦  
十年位不增故官才非八子倫而與齊其患無知不在  
此袁盎未有言彼此萬病久榮衛動不安聞有韓衆藥  
信來給一丸

答杜摯詩

毋仲恭

鳳鳥翔京邑哀鳴有所思才爲聖世出德音何不怡八  
子未際遇今者遭明時胡康出壟畝楊偉無根基飛騰  
冲雲天奮迅協光熙駿驥骨法異伯樂觀知之但當養  
羽翮鴻舉必有期體無纖微疾安能問良醫聯翩輕栖  
集還爲燕雀唾韓衆藥雖良恐更不能治悠悠千里情  
薄言答嘉詩信心感諸中中賞不在辭

贈梅公暉詩

繁休伯

瞻我北國有條者桑遘此春景旣茂且長氤氳吐葉柔  
潤有光黃條蔓衍青鳥來翔日月其邁時不可忘公子  
瞻旃勲名乃彰

答贈詩

邯鄲子叔

我受上命來隨臨蒞與君子處曾未及暮見召本朝駕

言趣期羣子重離首命于時餞我路隅贈我嘉辭既受  
德音敢不答之余惟薄德既局且鄙見養賢侯於今四  
祀既庇西伯未誓沒齒今也被命我在不俟瞻戀我侯  
又慕君子行道遲遲體逝情止豈無好爵懼不我與聖  
主受命千載一遇攀龍附鳳必在初舉行矣去矣別易  
會難自強不息人誰獲安願子大夫勉墮成山天休方  
至萬福爾臻

答二郭詩 三首

嵇叔夜

天下悠悠者下京趨上京二郭懷不羣超然來北征樂  
道託萊廬雅志無所營良時遘其願遂結歡愛情君子  
義是親恩好篤平生寡志自生災屢使衆釁成豫子匿  
梁則攝政變其形願此懷坦易慮在苟自寧今當寄他  
域嚴駕不得停本圖終終吳婉今更不克并三子贈嘉詩  
馥如幽蘭馨戀土思所親不如氣憤盈

昔蒙父兄祚少得離負何因疏遂成懶寢跡北山阿但  
願養性命終已靡有他良辰不我期當年值紛華坎壈  
趣世教常恐嬰網羅義農邈已遠拊膺獨咨嗟朝戒貴  
尚容漁父好揚波雖逸亦以難非余心所嘉豈若翔區  
外食瓊漱朝霞遺物棄鄙累逍遙游太和結友集靈岳  
彈琴登清歌有能從此者古人何足多

詳觀凌世務屯險多憂虞施報更相市大道匿不舒夷  
路值枳棘安步將焉如權智相傾奪名位不可居鸞鳳  
避爵羅遠託崑崙墟莊周悼靈龜越稷嗟王輿至人存  
諸已隱璞樂玄虛功名何足殉乃欲列簡書所好亮若

茲楊氏歎交衢去去從所志敢謝道不俱

與阮德如詩

嵇叔夜

含哀還舊廬感切傷心肝良時邁數子談慰臭如蘭疇昔恨不早既面侔舊歡不悟卒未離念隔悵憂歎事故無不有別易會良難郢人忽已逝匠石寢不言澤雉窮野草靈龜樂泥蟠榮名穢人身高位多災患未若捐外累肆志養浩然顏氏希有虞隰子慕黃軒涓彭獨何人唯志在所安漸漬殉近欲一往不可攀生生在豫積勿以休自寬南土早不涼衿計宜早完君其愛德素行路慎風寒自力致所懷臨文情辛酸

贈秀才入軍詩

嵇叔夜

流俗難悟逐物不還至人遠德歸之自然萬物爲一四海同宅與彼共之予何所惜生若浮寄暫見忽終世故紛紜棄之八成澤雉雖饑不願園林安能服御勞形苦心身貴名賤榮辱何在貴得肆志縱心無悔

答程曉詩

傅休奕

奕奕兩儀昭昭太陽四氣代升三朝受祥濟濟羣后我我聖皇元服肇御配天垂光伊周作弼王室惟康顛顛兆民蠢蠢戎羶率土充庭萬國奉蕃皇澤雲行神化風宣六合咸熙遐邇同歡赫赫明明天人合和下罔遺滯焦朽斯華矧我良朋如玉之嘉穆穆雖雖興頌作歌

贈長安令劉正伯詩

潘正叔

遊鸞憑太虛騰鱗託浮霄過蒙嘉時會假翼陵扶搖疲備充時乏及余再同僚並跡侍儲官攜手登皇朝劉侯

撫西都邁績參豹喬德厚化必深政明姦自消萬尋由  
積匱千里一步超爾其騁逸軌遠塗固可要

又贈隴西太守張正治詩

潘正叔

二八由唐顯周以多士隆羣靈感韶運理翮應翔風張  
生拔幽華藉鬣登二宮未幾振朱錦剖符撫西戎及子  
仍同僚贈言貽爾躬威形有時用唯德可念終

答傅咸詩

潘正叔

悠悠羣吏非子不整嗷嗷衆議非子不靖忽荷畧紐握  
綱提領矯矯貞臣惟國之屏

答陸士衡詩

潘正叔

顧茲蓬蔚厠根蘭陂膏澤雖均華不足披逮春不茂未  
次先養女子翟麟翼伐坐羽義願言難常載今載離世遊  
禁闥祇畏夕惕今放丘園縱心夷易口詠新時目玩文

跡予志耕圃爾勤王役慙無琬琰以訓尺璧

贈潘岳詩

陸士衡

水會于海雲翔于天道之所混孰後孰先及子雖殊同  
升太玄舍被玄冕襲此雲冠遺情市朝未志丘園靜猶  
幽谷動若揮蘭

贈傅咸詩

程曉

煢煢獨夫寂寂靜處酒不盈觴肴不掩俎厥客伊何許  
由巢父厥醴伊何玄酒瓠脯

贈褚武良詩

傅長虞

爰暨于褚惟晉之禎肇振鳳翼羽儀上京聿作喉舌納  
言紫庭光贊帝道敷皇之明方任之重實在江揚乃授





旄鉞宣曜威靈悠悠遐邁東夏于征

又贈崔伏二郎詩

傅長虞

英妙之選二生之授顛顛兩城歡德之茂君子所居九  
夷非陋無狹百里而不垂覆人之好我贈我清詩示我  
周行心與道期誠發自忠義行於辭古人辭謹豈不爾  
思

又與尚書同僚詩

傅長虞

非望之寵謬加于已猥授非據奄司萬里煌煌朱軒服  
驥參駟曄曄初星肅肅臣僕暉光顯赫衆目所屬斯之  
弗稱匪榮伊辱質弱尚甫受任膺揚德非樊仲王命是  
將百城或違無能有匡一州之矜將弛其綱得意忘言  
言在意後夫惟神交可以長久我心之孚有盈于正與  
子偕老豈曰執手出司萬里牧彼朔濱服冕乘軒六轡  
既均威風先邁百城肅震

又答潘尼詩

傅長虞

貽我妙文繁春之榮匪榮斯尚乃新其聲吉甫作頌有  
馥其馨寔由樊仲其德克明授此瓦礫厠彼瑤瓊貺非  
其喻聞寵若驚

答孫楚詩

董威輦

獨處無娛我以為歡清流可飲至道可殮何為栖栖自  
使疲卑玄鳥紆幙而不被害鳴隼遠巢咸以欲死矐彼  
梁魚逡巡倒尾沉吟不決忽焉失水嗟呼魚鳥萬世不  
悟以我觀之乃明其知知哉達人深穆其度

贈棗腆詩

石季倫

久官無成績栖遲於徐方寂寂守空城悠悠思故鄉恂  
恂二三賢身遠屈龍光攜手沂泗間遂登舞雩堂文藻  
譬春華談話由蘭芳消憂以觴醴娛耳以名娼博奕逞  
妙思弓矢威邊疆

贈石崇詩

曹顏遠

涓涓谷中泉鬱鬱岩下林泄泄羣翟飛咬咬春鳥吟野  
次何寂寞薄暮愁人心三軍望衡蓋歎息有餘音臨着  
忘肉味對酒不能斟人言重別離斯情效於今

答石崇詩

棗玄方

昔我不造備嘗顛沛后土傾基皇天隕蓋少懷蒙昧長  
無耿介遺訓莫聞出入靡賴我舅敷命于彼徐方載誅  
步蜀言念渭陽乃沂共流汎身餘惶宵寢晨折曷路之  
長亦既至止願言以寫爰有石侯作鎮東夏竟以柳  
從容柔雅我聞有言居安思危極位則遷勢至必移上  
德無欲貴道不為妙識先覺通夢皇義竊觀堂奧欽蹈  
明規

贈虞顯度詩

張景陽

疇昔協蘭房繾綣在華年嘉好結平素分著寮友前謂  
得終遐日綢繆末周旋吾子遭不造溝閔丁憂艱俾我  
失良朋誰與吐語言一日為三秋歲况乃三年離居一  
何闊結思如迴川

答杜育詩

摯仲洽

越有杜生既文且哲龍躍穎豫有聲彰澈賴茲三益如  
瓊如切好以義結友以文會豈伊在高分定傾蓋其人

如玉美彼生芻鍾鼓匪樂安用百壺老夫灌灌離羣索  
居懷戀結好心焉恨如

贈摯虞詩

杜育

之子于歸言秣其駒矧乃斯人乃邁乃徂雖非顯甫餞  
彼百壺雖非張仲將膾河魚人亦有言貴在同音雖曰  
翻飛曾未異林顧戀同枝增其慨心望爾不遐無金玉  
音

答棗腆詩

歐陽堅石

於鑠我舅明德塞違俾扞東藩在徐之邳載播其惠載  
揚其威濟寬以猛方夏以綏光啓先業增耀重暉咨余  
冲人艱苦攸離過庭無聞頑固匪移寔賴茲誨導之軌  
儀仰遵嘉訓俯蹈明規如葛如蔓如樛斯垂我邁君子  
仰之彌高巖巖其高則之惟溫居盈思冲在貴忘尊繼  
酒嘉讌自明及昏無幽不研靡奧不論人樂其量士感  
其敦

廣文選卷第十五

江都葛澗校